

De febre loimikei Graecis epidemica ... / auctor Polychronius Demetrius.

Contributors

Demetrius, Polychronius, 1752-
Bose, Ernst Gottlob, 1723-1788.
Universität Leipzig (1409-1953)

Publication/Creation

Lipsiae : Ex Officina Sommeria, [1778]

Persistent URL

<https://wellcomecollection.org/works/kq8m62n6>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

61333/P
DE
FEBRE A O I M I K H I
GRAECIS EPIDEMICA

AVCTORITATE GRATIOSI MEDICORVM COLLEGII

P R A E S I D E

D. ERNESTO GOTTLOB BOSE

ANATOMIAE ET CHIRVRGIAE PROFESSORE PVBLICO
ORDINARIO FACVLTATIS MEDICAE ASSESSORE
ET APVD LIPSICOS POLIATRO

PRO DOCTORIS IN MEDICINA GRADV

A. D. XXV. MENS. SEPTEMBR. A. C. R. cIdIdccclxxviii.

DISPVTABIT

A V C T O R

POLYCHRONIVS DEMETRIVS

THRAX

MEDICINAE BACCALAVREVS —

L I P S I A E
EX OFFICINA SOMMERIA.

Suppl. 1P/DEM

ἹΠΠΟΚΡΑΤΗΣ περὶ ἀέρων, ὑδάτων καὶ τόπων.

Καίρῳ εἰδέναι δεῖ τὸν ἰατρὸν τὰ πρῶτα, κρᾶσεάς τε καὶ τόπους.



347759

§. I.

Instituti ratio.

Quandoquidem in studiorum meorum, quae vocant, academicorum cursu emetiendo, quantum ingenii viriumque concessus mihi modus permisit, in ea re omnes contendendi nervos, ut idoneis artis medicae, propediem faciendae, tirociniis positus, medicus euaderem probabilis, cuiusque patriae utilis: ita etiam nunc ad metam studiorum meorum delatus et ad edendum specimen inaugurale animum appellens tale mihi argumentum eligendum et pertractandum esse arbitrabar, quod pristino illi meo consilio esset quam accommodatissimum, quodque vitae generi pariter atque locis mox adeundis quam maxime congrueret. Missis proinde ingenii suauiter delirantis speciosis figmentis, quae neque sectatus sum unquam, neque magni feci, missaque subtilium quaestionum arguta peruestigatione, cui parne an impar sim definire non lubet; e media arte salutari et ex patriae finibus arripui scribendi argumentum. Enarraturus nimirum sum, quantum noui, diiudicaturusque, quantum valeo, historiam morbi, inter populares meos haud adeo infrequentis, infrequentioris tamen profecto, quam vulgaris, vel medentium, vel aegrotantium opinio fert; *febris* sic dictae *λοιμικῆς*, aut si mauis latine dici, *pestilentialis* siue *malignae*. In cuius quidem, aliis quoque regionibus, praeter patriam infestae et rarius, sed aliquando tamen vere *σποραδικῶς*; saepius autem, tumque grauius, *ἐπιδημικῶς* grassantis explicatione et illustratione, quamuis nouerim optime versatos esse summos in arte viros; inter quos ex recentioribus laudandi inprimis sunt SYDENHAMVS, STAHLIVS, RIVINVS, HUXHAMVS, PRINGLIUS, SWIETENIVS, GRANTIVS, etc. hinc, quae ego morbo depingendo addam, parca omnino et fere nulla superflint;

perfint; atque proinde totum hoc meum institutum carpi omnino et vituperari forte a maleuolis iudicibus possit: nihilo tamen minus spero, non defuturos esse beneuolos conaminum nostrorum aestimatores, qui nec pauca quidem ista, quae nos apponere forte potuimus, spernant; probent e contrario voluntatem illam meam, qua vtrum morbo tali cognoscendo et diiudicando, nec non auctoribus grauibus consulendis et cum obseruatis propriis comparandis, atque adeo arti inter populares faciendae suo modo idoneus sim, etiam hac scriptione experiri annisus sum. Omnem autem tractationem ita sum adornaturus, vt, praemissa febris λοιμικῆς historia, ceu ἐπίκρισιν addam primo caput pathologicum, quo αἰτιολογίαν, διάγνωσιν, et πρόγνωσιν comprehendam, atque deinceps caput therapeuticum, ceu alteram partem dissertationis, qua προφύλαξιν, Θεραπείαν, conualescentiumque refectionem explicabo.

§. II.

Historia febris λοιμικῆς.

Vt igitur a febris huius, quam in antecessum λοιμικὴν appellare liceat, historia ordiamur: morbus iste nunc post vehementes diaetae errores homines tantum solitarios, inprimis laxos, teneros, cacochymicos, aduenasue climati insuetos, nunc post anni temporum vehementiores iniurias α), hiemem gelidissimam et niuib. solito abundantiore, ver pluuiosum et aestatem aestu ficcissimo, aut inconsuetiori tepiditate

α) ἸΠΠΟΚΡ. περὶ ἐπιδημιῶν νόσων. Τομ. β'. Τμημ. γ'. Ενθα ὁ συγγραφεὺς πολλὰ ἄλλα νοσήματα ἐπαριθμεῖ, ὧν ἡ τῆ περιέχοντος τότε μόνῃ νοσηρὰ καὶ λοιμώδης κατὰς αἰσὶς παραίτιος ἐγένετο· ἔκ μὴν ἄλλὰ καὶ τῆ ΓΑΛΗΝΟΥ εἰς τὸ τρίτον τῶν ἐπιδημιῶν τῆ ἸΠΠΟΚΡΑΤΟΥΣ ὑπόμνημα τρίτον· παρὰ ταῦτα ἀναγνώσειον ἐπιμελῶς τὸ κατ' ἸΠΠΟΚΡΑΤΗΝ χρυσὸν ἐκείνο ἐκπόνημα περὶ ἀέρων, ὑδάτων καὶ τόπων, εἰ τις ἐθέλοι τῶν ἐπὶ σηπιδόσι πυρετῶν γνῶσιν λαβεῖν ἀρίστην· ἔκ ἀμελητέος ἐν τέτοις ὁ ΓΑΛΗΝΟΣ, καὶ μάλιστα τὸ περὶ διαφορᾶς πυρετῶν, ἐπὶ τέτοις τὸ ἑννατον καὶ ἐνδέκατον βιβλίον τῆς θεραπευτικῆς αὐτῆ μεθόδου.

ditate humida moleſtam, plures ex populo ſimul adoritur, alios quidem ſubita copioſiſſimorum ſymptomatum vehementia, alios inſidioſa ratione et tali, vt languentibus potius quam aegrotantibus ab initio ſimiles videantur; omnes vero repentina cum proſtratione virium, animique ſingulari deiectione. Per omnia corporis membra ingens effuſa laſſitudo eſt; artuumque tanta debilitas offenditur, vt a genibus vacillantibus vix corpus ſuſtineri queat. Torpent manus ad leuiſſimos quosuis motus, et ne caput quidem aliquando erectum ſeruari poteſt. Eſt praeterea homo moroſus, triſtis, lacrymabundus, timidus, de ſalute recuperanda deſperans, obliuiſus, pertinacibus peruigiliis, aut comatoſis et lipothymicis inſultibus obnoxius. Totum corpus quaſi poſt vehementem contuſionem grauatiuo dolore occupatur, capitis vero nunc anterior pars tantum, velut in grauedinofis, nunc poſterior cum frigida macula, vt in hyſtericis, nunc totus ambitus dolore tenſiuo grauatiuo, tractorio, pulſatorio afficitur. Omnium ciborum, praefertim carnum appetitum delet nauſea inſuperabilis. Alius in aliquibus pertinaciter obſtructa, in aliis e contrario ſoluta et ſuſa eſt. His vt plurimum, quamuis non in omnibus, praecedentibus ſymptomatis accedunt tandem febrilia, quae imperitiores fallere adeo nonnunquam poſſunt, vt intermittentem febrim aſſe opinentur, morbo longe truculentiore imminente. Nimirum, vespertino in primis tempore horripilatio et frigus hominem inuadit. Grauior mox conſequitur aeſtus febrilis, viriumque omnium tanta exſolutio naſcitur, quam vnice comparare poſſis cum inſigni animi deiectione et inquietudine. Sub frigore, quod etiam aliquando aeſtum intercuſat, non minus atque ſub aeſtu dolores in nonnullis tendentes ſunt ad dorſi ſpinam et artus fere intolerabiles. Artus quandoque frigent, pallentque, reliquo toto corpore aeſtuante. Cephalaea nunc praegrandis vrget, praecordia anguntur, interna corporis penetralia ardent. Somnus iam nullus eſt, vel interruptus. Mens vacil-

lans. Sermo delirantis, quem fere antecedere solet arteriarum capitis, maxime temporalium pulsatio, carotidum fortis vibratio et aurium tinnitus. Pulsus plerumque cum celeritate febrili debilis et parvus, nonnunquam fortis, immo durus, etensus est. Lingua primis morbi temporibus sicca et albicans, in progressu morbi ex atro rubet, in paucioribus pura est. Oculi, qui saepe cum orbitis dolent, tumidi sunt crebro et vel aquosiores languent, vel flauicant, immo paululum rubent. Vultus metuentis; aures labiaque pallent; facies quasi mixti coloris; vox tremula, debilis et pressa. Sapor oris ingratus; odoratus alienatus et foetore infestatus. Excretio et emunctio, frequens, quasi hominis ingrati quid a se defensuri. Sitis non multa, quandoque tamen inextinguibilis. Spiritus ductio plerumque praepedita est, et suspiriis interrupta. Anima calet, et ut plurimum foetet. Lipothymiae et animi deiectio mirum in modum et subito hominem affligunt, nulla quoque insolita excretionem praegressa et in iis ipsis aegris, quorum pulsus satis adhuc fortis est. Haud raro aeger in regione scrobiculi cordis ardorem, oppressionemque sentit, tuncque conatus vomendi, immo evomitio adeo materiae biliosae, porraceae vel atrabiliariae nauseosissimae atque molestissimus singultus accedunt. Sunt quoque, quos tormina et tenesmus, aut diarrhoea cum crebro, aut tandem ne animaduerso quidem secessu, vel materiae olidae viridescentis, fuscaeue, vel mucosae putridae et sanguinem referente colluue remixtae, vel etiam brunae, flauaeque conficiant. Vbicunque haec symptomata vrgent, vrina saturatior est, saepe ex atro ruffa, absque sedimento, post emissionem tamen subito turbida, et quae facillime putredinem subit; in aliis, qualis et sub frigoris febrilis insultu redditur, cruda, tenuis, aquosa, inodora, citrinaue; in aliis crassa, turbida, et iumentosa fusca, vappidae cereuisiae saturatiori brunae similis, immo adeo nigra occurrit, cum haud ita frequente sedimento atro et quasi fuligineo. Sanguis sicubi erumpit, ut ex naribus

ribus aut muliebribus, dissolutus apparet et paucarum guttarum est. Cutim nunc siccam, nunc viscido sudore, sed sine leuamine erumpente madentem, in progressu morbi, tempore tamen incerto, neque in omnibus quidem, in aliquibus tamen exanthemata pingunt maculosa, rubra, aut liuescentia, exasperantur pustulae albicantes aut rufescentes; et in faucibus aphthae albicantes, flauicantes lardaceae, aut adeo fuscae erumpunt, quae deglutitionis exercitium reddunt difficillimum, dolorosumque. Accedit ex simili, ut videtur, corruptione in nonnullis singultus et diarrhoea dysenterodes cum gangraena intestinorum. Neque tacenda sunt pessima symptomata, inuoluntarius nimirum faecum aluinarum et lotii secessus, subsultus tendinum, tremor, conuulsiones et vibices in vniuerso corpore passim progerminantes, quae mortem plerumque praecedunt. Tot tamque variis symptomatis enarratis conspicua febris, fauente inprimis aëris epidemica constitutione, contagiosa quoque euadit, et ad plures, eiusdem inprimis domus incolas, aut propinquitatem aegroti iunctos dimanare solet; et quamuis nunquam bubonibus et anthracibus stipata deprehenditur, tamen pestem veram his tumoribus insignem et praecedit nonnunquam, et illam adeo profligatam insequitur β). Affligit quidem homines tum rusticos, tum urbicolos, est tamen in urbibus et oppidis populosioribus, paludosis et humiliter sitis longe frequentior, diuturnior et grauior. Trahitur aliquando ad plures septimanas, aliquando intra paucos dies necat. Omnia autem, quae hactenus retuli, tum ipse vidi, tum ab artis medicae peritis, qui inter populares diu versati sunt, accepi. Quicquid defuerit historiae morbi, id propter graues causas subsequenter sectionibus illatum inuenient lectores.

CA-

β) Conf. THOM. SYDENHAMI Opuscul. med. Sect. II. de febre pestilentiali et peste. Cap. II. Lugduni Batavor. MDCCXLI.

CAPUT. I.

DE FEBRIS ΛΟΙΜΙΚΗΣ PATHOLOGIA.

§. III.

Ostenditur esse febrim malignam et pestilentialis nomine dignam.

Quae cuncta satis, ut puto, confirmare videntur febrim hanc non solum inter *malignas* referendam, sed adeo *λοιμικῆς* siue *pestilentialis* nomine compellendam esse. Quodsi enim γ) κωματώδεις, κοπιώδεις, ἀχλυώδεις, ἀγρυπνοὶ ἐφιδρῶντες πυρετοὶ ex HIPPOCRATIS effato κακοήθεις sunt: si porro καρδίας πόνος ἅμα ὑποχονδρίῳ συντόνῳ καὶ κεφαλαλγίῃ, κακοήθεις: sin denique ex GALENI definitione, κακοήθεις πυρετὸς ἐστὶν ὃ δυνάμει μὲν μέγας καὶ χαλεπὸς, φαντασία δὲ ἀσθενὴς ἐκ ἔχων χρόνος κρίσεως ὠρισμένος δ): nihil omnino certius est, quam descriptam febrim malignis annumerandam esse, quippe cui haec omnia inesse ex prioribus intelligitur. Quodsi porro ex SYDENHAMI ε) atque GRANTII ζ) doctrina, subita et sine manifesta causa accidens virium prostratio et meticulositas aegri; vultus anxietatem prae se ferens, oculorum illacrymatio et dolor tractorius, labiorum et aurium pallor, vultus variis quasi coloribus pictus, vox tremula, debilis et pressa, capitis grauitas, vertigo et dolor η), occipitium inprimis affligens, frigus vehemens cum dolore et lassitudine totius corporis, maxime vero lumborum et surarum ingrata affectione; porro nausea, tormina, et ventris inquietudo, nec non gustus et odoratus adeo alienatus, ut aegrotus ipse emungendo, exspuendo, excreando et omni modo foedi quicquam reiicere et defendere a se velle videat-

γ) ἹΠΠΟΚΡ. προῤῥητικὸν Βιβλ. α'. Τμημ. β'. κεφ. 74. κτ.

δ) ΓΑΛ. ὅρες ἰατρικὰς περὶ κακοήθους νοσήματος.

ε) SYDENHAM. l. l.

ζ) GRANT. Neue Beobachtungen über die ansteckenden etc. Katarrhalfieber, aus dem engl. Leipz. 1778.

η) HUXHAM. tractatus de putrid. malign. et petech. febr. tom. II. p. 94-120. Edit. Lips.

videatur, febrilibus ceteroquin symptomatis accedentibus febrim malignam adesse commonstrent: de malignitate descripti morbi nullo modo poterit dubitari. Vtrum vero a nostratibus λοιμική recte dicatur, id paucis adhuc edifferendum est. Idem autem sibi vult haec denominatio, quod veterum λοιμώδης πυρετός i. e. *febris pestilentialis* θ); neque enim pestim ipsam, quam nobis λοιμὸν dici satis quidem notum est, eo nomine indicabant, quemadmodum praeter alios acriter hac de re contendentes I O. G O R R A E V S arbitratur ι), λοιμὸν, inquit, dicere an λοιμώδη πυρετὸν siue νόσον, nihil interest; non enim aliud febris pestilens est, quam ipsa pestilentia; sed, ut ipse iam G A L E N V S τοῦ λοιμοῦ et λοιμώδης πυρετοῦ discrimen docuit, vere inter se inuicem differunt. Et quamuis per errorem vulgus λοιμικήν admodum expauescentis non minus ac per imperitiam nonnullorum medicorum accidat, ut λοιμικής nomen febres quavis acutae, indomita symptomatum saevitiae furientes sortiantur, pro vocabulo tamen inani et ambiguo propterea nullo modo habendum, sed illi febrium generi imponendum est, quod etsi pestim ipsam non sistit, cum eadem tamen proxime conuenit. Quodsi insignem illam μικροδυσμίαν et ἀσθενείαν, qua hoc morbo affecti laborant, nec non contagiosam ipsius indolem animo perpendimus, nullus morbus est, qui pesti exactius respondeat κ); a qua sola bubonum et anthracum absentia distingui potest.

§. IV.

θ) ΓΑΛ. ὁρ. ἰατρ. Ἐν οἷς αὐτὸς περὶ λοιμῆ καὶ λοιμώδους πυρετῆ ἔτιως ὤρισται· λοιμὸς ἐστὶ νόσημα ἐπὶ πάντας ἢ τὰς πλείους παρὰ γινόμενον ὑπὸ διαφθορᾶς ἀέρος, ὥστε τὰς πλείους ἀπολύσθαι· περὶ δὲ τῆ λοιμώδους πυρετῆ ἔτι ταῦτα, ἃ δὲ τὸ αὐτὸ τέλος λαμβάνοντα σημεῖα ἀπεφάνηται· λοιμώδης (Φησὶ) πυρετὸς ἐστὶν ὁ μετὰ πολλῆς θερμασίας δίψος ἀθεράπευτον ἐπιφέρειν, δυσώδεις κοιλίας, ἐκκρίσεις· ἔρα πολλὰ καὶ δυσώδη, σφυγμὸς μικρὸς καὶ ἀμυδρὸς.

ι) Conf. Eius Definit. medic. voc. λοιμὸς.

κ) SYDENHAM ibid. p. 106. sqq.

§. IV.

Docetur λοιμικὴν vel simplicem esse posse, vel cum aliis febrium generibus complicatam.

Est autem nostra febris λοιμικὴ, prout ex historia eiusdem satis elucescere arbitror, cum aliis morbis haud raro complicata, hinc enim mira illa in variis corporibus symptomatum varietas vnice explicari potest. Nimirum si quando illa tantummodo symptomata occurrunt, quae paragrapho praecedente commemorauimus, *simplicem* λοιμικὴν adesse statuendum est; Quotiescunque vero cum iisdem coniunguntur pulsus cum celeritate durus, aestus et sitis grauior, rubor faciei et cutis siccitas: *inflammatoriam febrim* cum λοιμικὴ complicatam esse, quis est, quin videat? Quoties porro vomitus biliosus, aut bilioso putridus copiosus, deiectiones olividae viridescentes aut mucosae putridae, aluiusue adstricta dolens et inflata, lingua mucosa, flauicansue aut utcunque impura, cutis viscido sudore foetidoque, sed sine leuamine madens, urina saturatior, ex atro ruffa, crassaue, turbida et iumentacea, vel sub ipso initio hypostatica, sanguis hinc inde erumpens dissolutior, os amarorem, putridumue resipiens, oculus flauescens aut rubore suffusus, pectus vehementius oppressum, superficies corporis calore inter tangendum augeri viso, ardens, exanthematisue petechialibus distincta, faucesue aphthis obsessae occurrant, atque insuper maligna illa symptomata his iuncta inueniantur, aut *biliosam*, aut *bilioso-putridam*, *putridamue* associatam esse τῇ λοιμικῇ, nullus, puto, dubitabit. Ita denique cum λοιμικῇ febre, *febris intermittens*, aut *synochus*, aut *catarrhalis*, morbusue *dysentericus* complicari possunt, siquidem horum morborum symptomatis malignae febris symptomata accedant.

§. V.

Causa λοιμικῆς proxima.

Iam pessimi huius morbi causa proxima indaganda venit, eo difficilius utpote inuenienda, quo subtilior esse videtur,

tur, quoque plurium aliorum morborum consortium non reformidat. Nisi autem me omnia fallunt, admodum tene-
rum quoddam miasma, sanguini humoribusque admixtum
assumendum est, quod huius febris proxima quasi genitrix
sit λ). Etenim subita illa virium prostratio, quae ἀνευ Φα-
νερῆς προφάσιος, et sine alia omni causa manifesta hominem
adoritur, animusque anxio metu distractus, nervos inprimis
affici et in arce quasi sua animum obsideri, atque adeo ad
subtilissima corporis vasa maxime peregrini quicquam pene-
trasse, luculentissime testantur: neque vero a simplici corpo-
ris aegri nervosa imbecillitate horum symptomatum maligno-
rum explicationem repeti posse, sed materiale quoddam mia-
sma statuendum esse, nonne contagiosa huius morbi indoles
declarat, illudque phaenomenon, quod ne validissimi qui-
dem ab illo morbo ruti et immunes reperiantur? Accedit et
hoc argumentum, quod ex fida narratione amicorum et ex
mea ipsius observatione petitum est, nimirum aliquando su-
dorem vel natura motum, vel arte excitatum λοιμικῆς febris,
iamdum semet in omni saevitia post consuetudinem hominis
alioquin sani cum aegroto tali manifestantis, impetum non so-
lum infregisse, sed vestigia adeo deleuisse omnia, hominem-
que pristinae integritati restituisse. Neque vero appareret, quo-
modo sudor arcere morbum et profligare, vel hominem sa-
nitati reddere posset, nisi id fieret tenuissimi cuiusdam mia-
smatis, nervos antea opprimentis, atque per tenera vasa cu-
tis perspirabilia transire apti, expulsionē. Quodsi vero de in-
dole huius miasmatis quaeratur, maior longe responsionis
difficultas subest. Quid enim magis arduum foret, quam
rei ultra omnium sensuum aciem tenerae naturae inuestigare?
at enim vero etiamsi chemicis disquisitionibus subtrahat sese
miasmatis huius subtilitas: symptomata tamen morbi, quem

B 2

produ-

λ) SYDENHAM. Sect. V. C. V. de Tuss. epid. p. 248. seqq. nec non
HUXHAM. Tom. III. diff. de angin. malign. p. 116.

producit, videntur putridam eiusdem indolem satis abunde declarare. Consentientem habemus in hac re GALENUM, qui statuit: πάντες οἱ λοιμώδεις πυρετοὶ ὑπὸ σηπεδόνης γίνονται· ἡ δὲ ἀρχὴ τῆς σηπεδόνης ἦτοί πλῆθος τι νεκρῶν ἐσὶ, μὴ καυθέντων, ὡς ἐν πολέμοις εἶωθε συμπίπτειν, ἢ ἐκ τελμάτων τινῶν, ἢ λιμνῶν ἀναθυμιάσεως ὥρα θέρχεται μ). Nimirum inter omnes corporis nostri nervos nulli sunt, qui putredinis iudices peritiores reperiantur, praeter nervos olfactorios atque gustatorios. Itaque per totum corpus diffusa materiae morbificae vis omnes quidem nervos insidiosa obsessione opprimit, hos vero nervos olfactui et gustui dicatos fallere nequit, nec qualis sit, reticere potest. Quamcunque auram exspirat aeger, eam putridus inquinat foetor: ipsique aegri, quod narrauimus, sapere et olfacere sibi videntur putridi quicquam, quod exscreando et emungendo defendere a se incassum annituntur. Forsitan autem illud ipsum putridum halitus oris principium non tam testis est naturae causae proximae, quam potius proximus eiusdem effectus. Forte morbum nostrum producit non tam miasma quoddam putridum, quam potius tale, quod putredini in humoribus evoluendae vehementer faueat? Quamvis vero in putrido putredinis verum fermentum sit: nolumus tamen valde repugnare, si quis alius naturae miasma illud esse statuatur, modo admittat, eo ipso humores tenuissimos pessundari et ad putridam corruptionem disponi. Minime omnium audiendi erunt, qui arsenicaleν) aut simile venenum ponunt; sed probabilior est sententia, qua statuitur natura eius causae esse acris, volatilis, penetrans, alcalescens et narcotica ξ), esseque nil nisi salium animalium summe volatiliū et attenuatorum, aut, ut vocant, exaltatorum congeries ο). Interim mitius λοιμικῆς febris

μ) GALEN. περὶ διαφορᾶς πυρετῶν. Βιβλ. α'. κεφ. β'.

ν) Conf. A. Q. RIVINI Disputation. Medic. Lips. 1710. 4. p. 839.

ξ) Conf. GRANTII libellum supra laudatum. pag. 19.

ο) HUXHAM. de angin. malign. pag. 116.

bris miasma esse videtur, quam τῷ λοιμῷ: quandoquidem citius et felicius ex corpore eliminari, neque adeo tenaciter lymphae inhaerere, neque proinde in lymphaticis glandulis tumores et exulcerationes excitare solet, ut pestis venenum. Quomodo autem inuicem discrepent, definire, ut arduum est, ita equidem non audeo: sed utpote μυζήρια τῆς Φύσεως haec τῇ Φύσει relinquens, ad eas potius causas enucleandas me conuerto, quae ut remotae ad talem corruptionem producendam idonea pollere videntur efficacia.

§. VI.

Causae λοιμικῆς remotae.

In historia morbi antea relata narrauimus, aliquando λοιμικὴν contagio ad sana corpora redundare, aliquando vero sine omni contagio π) ex aegris ad sanos translato, corpora nostratium inuadere. Quemadmodum igitur in priori casu ipsius hominis halitum et perspirationem miasmate morbi impraegnatum, omnem aërem vicinum adeo inquinasse statuendum est, ut per vias pneumonicas, cibarias, et cutaneas ex eodem pravae et subtiles particulae corpori alii, siue sano, siue languenti insinuari possint: ita in altero casu ponendum erit, ut causis internis externisue variis fauentibus humores corporis hanc adeo perniciosam mixtionem sortiantur. Quum vero integri nerui sint custodes valetudinis vigilantissimi, aequabilisque et blanda humorum recte elaboratorum per vasa corporis quaeuis distributio omnem corruptionem arceat, praesertim, si aëris puri pulmonibus inspirati et corpori circumfusi beneficio secretio perspirabilis materiae prospere succedit, et a corporis intimis penetralibus perniciosarum particularum accessus defenditur: videntur

B 3

omni-

π) Vid. Comment. SWIETENII super aphor. BOERHAAVII. Tom. IV. pag. 298.

omnino ad miasma τῆς λοιμικῆς in proprio corpore praeparandum non nisi illi apti esse, quorum vis nervosa debilitata fuit; quorum humores particulis male mixtis referti inaequaliter per corpus diffunduntur ρ); quorum denique perspiratio et inhalatio, tum in pulmonibus, tum in habitu cutaneo, ob aëris externi incommodam temperiem deprauata est. Etiam in superioribus inter alia notauimus, corpora inprimis tenera, laxa, atque adeo debilia, nec non cacochymica huic morbo saepe epidemico succumbere. Possunt autem vim nervosam laedere et infringere excretiones humorum nimiae, ut spermatis per venerem frequentiores σ), aut humorum digredientium per drastica purgantia, potissimum tempore feruidiore τ) administrata, aut sanguinis ipsius per intempestivas venaesectiones; animi commotiones vehementiores, maxime tristes, ut timor magnus, tristitia diuturna υ), anxietas aerumnosa; denique humorum deperditorum non reparata iactura; quam reparari non patitur, siue victus oligotrophus et dyspeptus, siue annonae caritas, siue denique voluntarium et diuturnum ieiunium φ). Possunt particulis male mixtis inficere humores, mala digestio et cruditates inde in primis natae viis; quibus cruditatibus gignendis admodum fauent ciborum copia et varietas, eorundemque ingestio liberalior in ventriculum, quem vel diuturna abstinentia ab eo cibi genere

ρ) V. SWIETEN. Comment. Tom. V. pag. 186.

σ) Conf. I. V D W I G I I Instit. Medic. clinic. de febr. continentib. §. 239.

τ) ἹΠΠΟΚΡ. ἀΦορ. ε'. Τμημ. δ'. ὑπὸ κῦνα καὶ πρὸ κυνὸς ἐργώδεις αἱ Φαρμακείαι· ἐκπεπυρωμένη γὰρ κατὰ ΓΑΛΗΝΟΝ ἡ φύσις ἡμῶν οὕσα τηνικαῦτα, τὴν ἀπὸ τῶν καθαρτικῶν καὶ οἷσι δρομύτητα. διὸ καὶ πυρεττοῦσι πολλοὶ τῶν ἐν τῷ τῷ καιρῷ καθαρθέντων, ἀσθενὲς τε οὕσα ἡ δύναμις διὰ τὸ καῦμα, προσκαταλυθήσεται τῇ καθάρσει. κτ. ὅρα τὸ ὑπόμνημα αὐτῶν εἰς τὸν αὐτὸν ἀφορισμὸν.

υ) GALEN. περὶ διαφορᾶς πυρετῶν Βιβλ. α'. κεφ. γ'. ὅτι μὲν καὶ ἐπὶ κόποις, καὶ θυμοῖς, καὶ λύπαις, ἐγκαύσεσσι τε καὶ ἐμψύξεσι, καὶ ἀγρυπνίαις, καὶ ἀπεψίαις, καὶ μέθαις καὶ πλησμοναῖς ὄρῳνται πυρεττοντες ἐνιοί, πᾶσιν εὐδὴλον ἐστὶ. κτ.

φ) B O E R H A A V E instit. medic. Aphor. 757. de inedia.

nere alienavit, vel praecedens victus relaxans et inuiscans debilitavit, porro ciborum dyspepta indoles, vel adeo corrupta iam et putrida; defectus recentium vegetabilium, panis boni, sacchari, vini et aliorum fermentatorum et antisepticorum; vita deses, aut laborum, quibus corpus assuefactum fuerat, interceptum et negatum exercitium; imminuta aut inhibita perspiratio, aut suppressus adeo sudor χ); maxime omnium vero aëris subitae vicissitudines ↓), aestas et humiditas, et effluuiorum putridorum abundantia ω). Iam vero his omnibus causis nostrates expositi viuunt. Plerique ex iisdem in climate calidiori degentes, sunt ut omnes, quos propior phoebus collustrat, ingenio feruidi, temperamenti calidioris et animi pathematum alacriorum. Indulgent, quos fortuna eminentiori facultatum aut dignitatum fastigio collocavit, ingluuiei et mirae ciborum varietati, adeo ut, nisi quotidie plus quam quindecim speciebus ciborum diuersis reficere

χ) Conf. LUDWIG supr. laud. libell. §. 124. et 239.

ψ) ἸΠΠΟΚΡ. περὶ αἰσίων, ὑδάτων καὶ τόπων. Ἦν μὲν ὁ χειμῶν αὐχμηρὸς καὶ βόρειος γένηται, τὸ δὲ ἦρ ἐπομβρον καὶ νότιον, ἀνάγκη τὸ θέρος πυρετώδες γίνεσθαι — οὐκ ὅταν γὰρ τὸ πνίγος ἐπιγένηται ἐξ αἰφνης, τῆς τε γῆς ὑγρῆς ἐξσης ὑπὸ τῶν ὀμβρων τῶν ἐαρινῶν, καὶ ὑπὸ τῷ νότῳ, ἀνάγκη διπλοῦν καῦμα εἶναι — ἔ γὰρ οἶόν τε τῷ ἡρὸς τοιῶνδε ἔοντος, μὴ ἔ πλαδᾶν τὸ σῶμα, καὶ τὴν σάρκα, ὥς τε τὰς πυρετὰς ἐπιπίπτειν ὀξύτατας ἀπασι, μάλιστα δὲ τοῖσι φλεγματῆσι — περὶ δὲ τῷ ἀνδρὶ θερος τοιῶνδε ἀποφαίνεται. ἦν δὲ βόρειον ἢ τὸ θέρος καὶ ἀνυδρον, καὶ μήτε ὑπὸ κύνα ἐπομβρον, μήτε ἐπὶ τῷ ἀριτέρῳ, — — τοῖσι χολώδεσι πολεμιώτατον. — — τὸ μὲν γὰρ ὑγρότατον τῷ αἵματος καὶ ὑδαρέστατον ἀποξηραίνεται, καὶ ἀναλίσκεται, τὸ δὲ παχύτατον καὶ δριμύτατον λείπεται.

ω) Τῷ αὐτῷ ἐν τῷ αὐτῷ βιβλίῳ περὶ τῶν λιμναίων τόπων. Ὅσα μὲν ἔν ἐσὶν ἐλώδεα ὕδατα, καὶ σασιμα, καὶ λιμναῖα, ταῦτα ἀνάγκη τῷ μὲν θερος εἶναι θερμὰ, καὶ παχέα, καὶ ὀδμὴν ἔχοντα — ἅτε ἐκ ἀπόρρευτα ἔοντα, ἀλλὰ τῷτε ἐπομβρὶς ὕδατος ἐπιτρεφόμενα αἰεὶ νέε, τῷτε ἡλίῳ καίοντος, ἀνάγκη ἀχρόατε εἶναι καὶ πονηρὰ καὶ λολώδεα ὧν ἡ σηπεδονώδης ἀναθυμίασις, καὶ ταῦτα ὥς τε θερος φθορᾶς τινὸς ἐν τῷ περιέχοντι αὐτῷ ὅσον πρόξενος ἀποκαθίσταται ὅθεν καὶ σηπεδονώδεις πυρετὰς ἐν τοῖς τοιῶνδε τοποῖς ἀπογενᾶσθαι ἔδεν θαυμαστόν. ὅρ. ΓΑΛΗΝ. περὶ διαφ. πυρ. Βιβλ. α'. κεφ. 6.

cere palatum possint, felicitati ipsorum quamplurimum detractum esse autument. Superingerunt his vina calidiora et spirituosos liquores aromaticos tam affatim, ut robur corporis, cui augendo student, longe magis deprimatur; et crudorum humorum prava mixtio sub exaestuatione per spirituosapotulenta in deteriore abeat. Neque enim haec cum iis pugnare putandum est, quae antea diximus de vini defectu λοιμικῆς genesis fauente. Nam modicus vini usus reficit, immodicus pessundat. Solent quoque largiter ingurgitare nostrates, maxime turcae, potus quoddam genus, quod turcico vocabulo *Serbeti* dicunt, ex musto vuaceo ad sapae consistentiam incocto, in aquae, quae palato placuerit, quantitate dissoluto, hanc solutionem per glaciem immissam gelidior redditam ingerunt utplurimum in corpus, laboribus, exercitiis gymnasticis, balneis, aestuue solis concalescentum. Et quamvis non proxime possim miasmatis λοιμικῆς productionem inde deriuare, videtur tamen ad ventriculi robur deiciendum, ad cruditates humorum sanguini ingignendas et ad perspirationem supprimendam, atque adeo ad morbi fomitem siue alendum siue excitandum quamplurimum conferre posse αα). Iam vero cum hactot cibos totque potus ingerendi

con-

αα) Τὰ δὲ ἀπὸ χιόνος καὶ κρυσάλλων ὕδατα πάντα πονηρά· ὁ αὐτός. τοῖς γὰρ τοιαῦτα εἰς πόσιν ὕδατα ἀκρίτως χρωμένοις, καὶ μάλιστα ὡρὰ θέρους, ἔχ' ἓν, ἀλλὰ πολλὰ, καὶ ταῦτα διάφορα κατὰ τὰς διαφορὰς κρᾶσεις κακὰ ἐπιγίνεσθαι ἐς αἰὶν ἰδεῖν ἔχομεν· τὸν μὲν γὰρ αὐτῶν βήσσοντα ἀκρόμεν, τὸν δὲ διὰ σώματος αἷμα ἀναφέροντα διὰ τὴν ἀθρόαν καὶ χανδὸν ψυχρῶ πόσιν, καὶ ταῦτα τῷ σώματος θερμαινομένῃ, ὀρῶμεν· καὶ ὁ μὲν πόνῳ συντόνῳ περὶ τὸ σῆθος, ἢ ἐμφράξει βαρεία καὶ ἐπιπόνῳ ἐν ἄλλοις τῷ σιήνεος αὐτῶ μέρεσιν ἐνοχλεῖται, ὁ δὲ Φόβῳ δυσπεψίας, ἢ βραδυπεψίας κατέχεται· ἢ τελευτῶντες εἰπώμεν κατὰ ΓΑΛΗΝΟΝ, ἐπὶ ἀπεψίᾳ ἦγε καὶ ἀτροφίᾳ μεμψιμοιρῶντι εἰκότες εἰσί. καὶ ἄλλον ἄλλοις ἐκ τοιούτων πομάτων πάσχειν κακοῖς, μαρτυρεῖ μοι τῷ λόγῳ ὁ περίπυστος καὶ ἔσοχος παθολογῶντων ἀπάντων ἈΡΕΤΑΙΟΣ. περὶ εἰλεῖς ξυνεχῆς μὲν διαφθορῇ σιτίων πολλῶν καὶ ποικίλων — — ἢ ψύξις, ἢ ψυχροποσίῃ ἐφ' ἰδρωτί ἀδδῆν ἢ χανδὸν· περὶ δυσεντερείας καὶ συνάγχης. ἀτὰρ καὶ πληγῇ, καὶ ψύξις, καὶ ψυχροποσίῃ τίττεσιν ἐλκεα. κτ. ἐπειδήπερ ἔν, ὡς Φθάσαν δέδεικται, ἐκ τοιούτων ψυχρῶν ὑδάτων καὶ μάλιστα

consuetudine non nisi male conueniunt ieiunia illa nonnullorum religiosa, omnem modum fidemque excedentia, non vnus forte diei, sed aliquando trium integrorum dierum, ad summam debilitationem vsque continuata; et vicissim post longam inedia ventriculi subitaneae repletiones per cibos eo difficiliter digerendos, quo diutius iis homo caruerat. Neque inferioris conditionis homines prorsus ab his vitiis vacui sunt: namque et inter hos multi gulae et opinionibus indulgent, nuncque cibis duris difficulter coquendis infarciunt ventriculum, nunc spirituosos liquoribus digestionem perturbant, nunc ieiuniis immodicis corpus eneruant, et sanguinis proinde corruptionem alliciunt, quatenus benefici chyli inuoluentes particulas ad sanguinem, repetitis circulationibus, secretionibus, excretionibusque sensim acriorem factum, temperandum et mitigandum accedere inedia tam diuturna prohibent. Neque desunt, qui quum incommoda ex vitae genere et diaetae his vitiis oriunda experiantur grauiora, auxiliis parum aptis et corporis vires magis debilitantibus venaesectionibus, catharsi draastica, emesi, diaphoresi, et similibus velint naturae et valetudini succurrere, virium autem faciant eo ipso maiorem iacturam.

§. VII.

Prioris argumenti continuatio.

Facile autem largior, ex solis haecenus commemoratis diaetae vitiis, crudos humores et virium debilitatem gignentibus, aequae ac ex vita deside, qua non pauci delectantur, tam pestiferae corruptionis exortum non posse explicari. Quapropter memor observationis tritae et antea iam laudatae, quod

λίσσας κρυζάλλων, περί ὧν ἐξαίρετως ὁ νῦν λόγος, πολλά συμπίπτειν δυνατὸν τῷ ἀνθρώπῳ κακὰ, τί τὸ κωλύον, μὴ καὶ πυρετῶν ἐπὶ σιηπεδόνι αἰτία ἐνίοτε τὰ τοιαῦτα ὕδατα εἶναι, ἢ αὖνα δύνασθαι πιναύσωμεν, ὅρα ἸΠΠΟΚΡ. περί ὕδατων.

quod febris *λοιμικὴ* in vrbibus potius populosioribus, quam in rure grassari soleat; quae forte in vrbano aëre vitia lateant, paucis adhuc dispiciam. Animaduerti autem tum in illis vrbibus, quae portibus instruuntur, et ad quas nauium ob commercia magnus affluxus est, tum in illis, quarum situs est in locis humilibus, paludosis et vliginosis, esse hunc morbum longe, quam in aliis, frequentiore. Vix autem dici potest, quantum corrumpant aërem siue hominum copiosius confluentium, et vitam spurcam et sordidam illam nautis, militibusve solemnem, agentium perspiratio, merciumque ob abundantiam fermentatione et putredine corruptarum effluuia, paludum et stagnorum tetri halitus et mortuorum non satis curiose humatorum putrilaginosus vapor. Adeo inquinati aëris noxas aegerrime vel sana corpora a se defendere valent, omnium vero minime iam alioquin languentia, et velut per idiosyncrasiam quandam ad hunc morbum apta, nec non cacochymica. Susceptus potius inhalatione, inspiratione et deglutitione vapor, et cum humoribus lymphaticis humanis remixtus, ipforum, Prothei in modum, omnibus formis recipiendis aptissimorum indolem ita mire mutare et sibi sensim assimilare potest, vt aut putridi, aut alcaliscentis; aut alius, neruorum virtutem prorsus infringentis, veneni vim, atque adeo malignae febris producendae efficaciam nanciscantur. Vt vero vel impurarum in aëre contentarum particularum potentia noxia eo agilior, corporisque humores ad corruptionem recipiendam eo proniores fiant, aëris varia subitaque vicissitudo efficit. Anni tempora nebulosa, pluuiosa, iustoque vel tepidiora, vel calidiora, vaporum aëreorum et copiosiore multitudine et perniciosiore mixtione simul afficiunt; solidasque partes relaxando, fluidas vero inficiendo veletudinis pessimae fabri euadunt, inprimis si frigoribus vel nimis, vel post repores et aestus intempestiuis, coërcita antea perspiratione, acria et corrupta retenta, et aequabilis per vasa humorum distributio laesa fuerint. Vnde patere arbitror, quod

quod supra perhibui, post hiemes gelidissimas, ver pluuiosum, aestatemque aut feruidiorem, aut cum pluuiis remissiorem λοιμικὴν grassari epidemice ββ). Et quum sub iniquis eiusmodi anni temporum iniuriis frugum plerumque tristior sit prouentus et maturatio, indeque forte nata annonae caritas homines ad victum insuetum, durioresque ingerendum adigat; opificia autem, artes, et alii labores in adeo moesta rerum conditione frigeant, pauperes aerumnofo otio torpeant, non mirum esse potest, cur tot causis concurrentibus ad plures homines morbus idem diuagetur, quamuis nullus alterum contagio affecerit. Vno verbo, aut miasma λοιμικῆς ex aegris suscipitur, aërem perspiratione sua inquinantibus, aut ex aëre putridis quibusuis particulis referto, et in his est morbi nascendi occasio. Reliquae vero causae commemoratae videntur vires vel imminuendo, vel humores corrumpeudo eiusdem admissionem adiuuare et efficaciam intendere. Et rarissima omnino exempla erunt, vbi ex sola humorum, omni blando principio orbatorum indigena corruptione λοιμικὴ progerminet.

§. VIII.

De λοιμικῆς diagnosi.

Verum a causarum contemplatione ad signa veniamus, quae vel morbum dignoscere, vel eius exitum praesagire docent. Etsi autem superius (§. II. et III.) ea omnia attulimus, ex quibus possit cognosci, num λοιμικὴ, eaque vel simplex vel complicata adsit (§. IV.); nihilo tamen minus, quoniam haud raro causus et synochus vtraque imputris et putris γγ),

C 2

nec

ββ) Cum anno huius seculi sexagesimo nono Iassyi gelidissimam hiemem et admodum pluuiosum ver, ventis australibus concomitatum, essemus experti, grassabantur per aestatem huiusmodi febres, quas ipsa tandem insequabatur pestis.

γγ) ΓΑΛ. περὶ θεραπευτικῆς μεθόδου. βιβλ. η'. Θ. κεφ. 1. 2. 3. καὶ τὰ ἐξῆς. ΕΦ' ὧν γὰρ ὁ παροξυσμὸς εἰς ἀπ' ἀρχῆς ἄχρι παντὸς διαμένων εἰς

nec non inflammatoriae febres tum a meticulosis aegris, tum ab imperitis aut astutis medicis pro febre λοιμικῇ habentur et venditantur, paucis adhuc, quomodo haec νοσήματα invicem discerni possint, exponere conabor. Ac primum quidem a simplicibus febribus inflammatoriis, καύσῳ et synocho utraque simplicem λοιμικὴν vel illa virium subitanea, et sine causa manifesta nata prostratione, animique deiectione inter noscere possumus, quae istis nunquam ab initio insunt. Facies aegri λοιμικῇ febre correpti, superius a nobis accuratius depicta, a facie aegrorum aliis omnibus febribus commemoratis laborantium prorsus abludit. Deest in febribus inflammatoriis, causo et simplici synocho halitus oris depravatio putrida aut foetida, et quamvis ista in synocho putrida itidem obseruetur, nihilo tamen minus in eo differunt, quod haec sine contagio ex manifestis diaetae et regiminis vitiis, saburram primarum viarum putrilaginosam mouentibus et sanguinem inficientibus nascatur, et lentius omnino malignitatis symptomata inferat. Quandocunque enim ab initio febris putridae malignitatis symptomata adiuncta sunt, pro simplici synocho putrida morbus nullo modo habendus est, sed λοιμικὴν complicatam esse eadem ipsa testantur. In simplici porro λοιμικῇ nunquam tantus adest ardor, tantaque siccitas, neque clamor illud frigidi potus aërisque desiderium, fervidusve halitus oris, quae causi symptomata inseparabilia sunt δδ). Vt paucis dicamus, neque in agnoscenda λοιμικῇ sim-

εἰς πολλὰς ἡμέρας ἐκτείνεται, συνόχας ὀνομάζομεν τὰς τοιούτας πυρε-
τὰς· ἐνθα προσέτι ὁ συγγραφεὺς ἀποφαίνεται λόγοις πιθανοῖς, ὅτι οἱ
σύνοχοι πυρετοὶ ἐκ τῶν ἐφημέρων, καὶ ἡ φύσις αὐτῶν ἡ αὐτὴ τοῖς
ἐφημέροις ἐστίν, ὄνομα δὲ ἔσται τὸν — τινὲς μὲν γὰρ αὐτῶν ἐναργὲς
ἔχουσι τὸ τῆς σήψεως σημεῖον, ἔνιοι δ' ἑδόλως. ἂρ' ἐν ἐκ τούτων ἔσται μόνον
ιατρικῆς παντὶ μετέχοντι, ἀλλὰ καὶ καὶ τῷ ἀψαμένῳ αὐτῆς δακτύ-
λῳ μόνῳ ὡς φασὶν ἀκρῶ εὐδὴλον, ὅτι οἱ λοιμώδεις ἢ λοιμικοὶν πυρετοὶ
πολλὰ τῶν συνόχων διαφέρουσιν.

δδ) ἈΡΕΤΑΙΟΣ περὶ θεραπείας καρδιακῶν. Ἐπὶ δὲ τῷ καύσῳ κἀκίσα
σημῆια, ξηρότης, ἀγρυπνία, θερμασίη τῶν σπλάγχων ὅπως ἀπὸ πυρός
— — χεῖ-

simplici, neque in internoscenda eiusdem varia complicatione, quae pro corporis dispositione firma et plethorica, tenui, tenera et debili, vel saburrosa, biliosa et cocochymica enasci potest cum inflammatoriis, nervosis, putridis, biliosisque febribus nunquam errabit ille, qui bene recordatur eorum, quae iam §. IV. huius libelli, satis, ut putamus, perspicue et late disputauimus.

§. IX.

Prognosis febris λοιμικῆς.

Circa praesagiendum morbi exitum eo magis poterat errari, quo minus certa idem habet atque definita criseos tempora, (§. III.) neque nimium forte dixissem mihi videor, si febrim λοιμικὴν inter morbos periculosissimos referam εε). Nam et ipse euentus id testatur, homines eidem succumbere quam plurimos; et ratio suadet, difficulter eluctari posse aegros, quorum nerui; perprauo miasmatis subtilissimi genere eneruati, ad restituendae sanitatis laborem omnino torpent, et quorum saluti, salutis recuperandae maximum praesidium, mentis tranquillitas et boni exitus fiducia deest. Quum tamen reperiantur, qui emergant, quosque inprimis seruat sudor blandus, calidus, aequabilis, et vniuersalis, quem aliquando statim a suscepto contagio, atque adeo in initio morbi morbum futurum arcuentem natura excitat, et quem, modo corpus rite ad sudationem sustinendam aptum et praeparatum fuerit, medici et naturae vires utiliter etiam in progressu

C 3

et

— — χεῖρες καὶ πόδες ἄκροι ψυχρότατοι, ἀναπνοὴ εἰς ὅλην μακρὴν ποθέσει γὰρ ψυχρὸν ἥερα, ἐνεκεν ἐμπνέσει πῦρ. — — σφυγμοὶ μικροί, πυκνότετοι, τρομώδεις. τὰ αὐτὰ καὶ ὁ ΓΑΛΗΝΟΣ ἐν τοῖς ἱατρικοῖς αὐτῷ ὅροις φησὶ περὶ τῆς καύσεως· καύσος ἐστὶ πυρετὸς μετὰ πολλῆς πυρώσεως γινόμενος, ἀναστολὴν μηδεμίαν τῷ σώματι παρέχων, γλῶσσαν ἐπιξηραίνων, μελαίνων, ἐπιθυμίαν ψυχρῶν παρέχων.

εε) "ΙΠΠΟΚΡ. ἀφορ. Τμ. β'. ἀφορ. 19. τῶν ὀξέων νοσημάτων, ἡ πάμπαν ἀσφαλές αἰ προδιαγορεύσεις, ἅτε τῆς θανάτου, ἅτε τῆς ὑγείας.

et declinatione morbi, nulli certo dierum numero adstricti mouent, non omnis plane spes abiicienda est. Igitur si in corpus ceteroquin purum et sanum, viribusque integris instructum contagium mox receptum fuerit, superest fiducia morbi breuiter superandi. Sin vero corpus tenuium succorum et viribus exhaustum atque debile prehenderit, grauior et difficilior morbus instat. Sin porro aut ex plethora et diathesi plogistica inflammatoriae, aut ex cacochymica et scorbutica dispositione putridae, aut ex bilis abundantia biliosae complicatio cum λοιμικῇ febre exsurgit, quoniam ad sudorem illum vtilem minus praeparata corpora sunt, et acre illud, volatileque miasma non exturbari prompte potest, periculosior vtique est aegrorum conditio. Neque vero putandum est, quemlibet sudorem leuare maligni huius morbi vehementiam. Etenim vehementior, glutinosus, inaequalis, partialis, frigidus, ζζ) vel frigoribus interruptus, in corpore vel debili, vel adhuc impuro statim a morbi initio exortus vires potius adimit, quam restaurat. Nec nisi ille prodest, cuius ope pulsus plenior, mollior et pacatior redditur; et quo durante symptomata, a vi miasmatis volatilis irritante aut stupefaciente producta, mitigantur et soluuntur. Saepe foetet sudor, sed modo ceterae adsint eiusdem bonae qualitates, eo certior index est miasmatis iam emigrantis. Versus septimum circiter morbi diem erumpens talis optimus iudicatur a medicis nostratibus peritis, tardius proueniens, etsi aliquando salutaris adhuc est, languorem tamen relinquit maiorem. Ex vrina parum certe prognoseos peti potest; si tamen cum molli et vda cute, linguaeque madore, vrina turbida sedimentum deiiciens redditur, eo felicior morbi exitus sperari potest. Vrinae vero cito putrescentes, vel iumentosae, vel fuscae et nigricantes pessimi ominis sunt ηη). Vomitiones inanes, aut vomitus materiae non adeo corruptae,

ζζ) ὁ αὐτὸς Τμ. δ. ἀφορ. 36. 40. καὶ 42.

ηη) ὁ αὐτὸς ἐν τῷ αὐτῷ τμήματι. ἀφορ. 68. — 82.

ruptae, semper symptomaticae sunt, et ab irritante miasmatis vi pendent. Egestionem autem largiores materiae biliofae, corruptae, foetidae, per vomitum vel aluum, quae in saburra plenis corporibus occurrunt, ex morbi leuamine vel grauamine diiudicandae erunt. At enim vero ipsae vomitiones et deiectiones, quae leuant, haecenus tantum proderunt, quatenus cessantibus primarum viarum, inde a saburra liberatarum, turbis, perspirationis et sudoris salutaris excretio expeditior fit, pulsusque plenitudinem, mollitiem et aequabilitatem recuperat. Contra vero a diarrhoeis ex colliquatione, aut putrida resolutione humorum prouenientibus, sub quibus pulsus durior, minor, inaequalior, tremulusque; cutis sicca et ardens, vel frigida, partiali, glutinosae sudore vda; fauces aphthis refertae; vox tremula et minus distincta; sermo delirus, stupor, carpalgia, tendinum subsultus, aut conuulsiones fiunt, aut quae incerto aegro tandem accidunt, non nisi mala morbi catastrophe portenditur. Haemorrhagiae narium in plethoricis natae largiores copiam et impetum humorum minuendo profunt §§), et praeparant corpus saluti sudori; parciore in teneris et cacochymicis aequae ac dysentericae deiectiones resolutionem humorum indicant. Mali ominis praeterea sunt petechiae et aphthae, imprimis liuescentes et caeruleascentes, quae ut plurimum circa quintum diem sine leuamine)), aliquando citius, imprimis in dorso, sed eo peius progerminant. Aliquando ptyalismus nunc boni, nunc mali ominis accedit, quod vnice ex symptomatum mitigatione cognoscendum est. Saepe ex aphthis symptomaticus est. Alia exanthemata cutanea absque pruritu praesentia pessimi praesagii habentur. Ceterum infimi ventris intumescencia et durities, praesente imprimis copioso alui fluxu, frigoribus interpolati sudores, extremitates frigidae cum

§§) ὁ αὐτὸς. Τμ. δ'. α'φ. 60. ὁπόσοισιν ἂν ἐντοῖσι πυρετοῖσι, τὰ ὦτα καὶ
 Φωθῇ, αἷμα ἐκ ἐνῶν ῥυέν, ἢ κοιλίῃ ἐνταραχθεῖσα, λυεῖ τὸ γέσημα.

)) Conf. NIETZKII Elem. Pathol. Ebrodun. 1766. §. 1556. et 58.

cum internarum partium ardore, inquietudo aegroti, anxia et affidua remotio stragulorum a pectore, deliria et stupor, oculi torui vel semiclausi, vel sine splendore insensiles, deglutitio laesa et sonora, singultus pertinax, manuum tremor, pulsus cum debilitate semper aucta vel increbescens, vel rarefcens, haec, inquam, omnia vt in aliis morbis acutis horrendi sunt, minusque exoptati euentus nuntii; ita et in febre λοιμικῇ male ominata sunt. Mensibus aestiuis truculentior λοιμικῇ est, quam aliis. Aetas et sexus nullus a contagio huius morbi immunes sunt: nec dici potest infantesne an adulti, viriue an feminae aut periculosius laborent, aut felicius emergant. Nam hoc fere a singulari videtur cuiuslibet corporis idiosyncrasia pendere; quamuis negandum non sit, ineptam vel neglectam medelam corporibus etiam morbo superando idoneis perniciem afferre immedicabilem. Breuiter proinde in altera parte voluminis nostri auxilia indicaturi sumus, quae morbo praecauendo vel curando inseruiant.

C A P V T II.

FEBRIS ΛΟΙΜΙΚΗΣ THERAPIA.

§. X.

Λοιμικῆς prophylaxis.

Optimum factu est, vt morbus, si licet, arceatur. Id obtineri poterit, vitatis iis, quae corpus eneruant, vel impurum reddunt, et adhibitis auxiliis, quae vim miasmatis compescunt, aut idem iam susceptum opportune expellunt. Vitari igitur oportebit ingluuiem, dyspepta, crapulam, ieiunia nimia, euacuationes intempestiuas et drastrictas, motum nimium, otia et pigritiem, immodicam venerem, animi commotiones vehementiores, omnium maxime moerorem, curas et sollicitudines, morbique metum. Magnae et subitae diaetae mutationes non facile subeundae sunt. Abstineatur a carneo

carneo victu nimio, imprimis pingui. Munditiei studeatur omni modo. Vestes et lintheamina corpori circumdata crebro mutantur et aëri exponantur. Perspirationis conseruetur libertas. Arceatur contagium mutato domicilio, rusticatione, fuga consuetudinis cum aegrotis, aut, si nullum horum liceat, frequenti renouatione aëris domiciliorum, suffimigiis resinosis, sulphureis, aromaticis, vaporatione acetosa; tabacini fumi vsu, masticatoriis fragrantibus, frequenti saluæ reiectione, odoramentis ex aceto, vel aqua aromatica naribus, dum inter aegros quis versatur, admotis; vitato aegrorum consortio, quando adhuc ieiunus est ventriculus, aut a cursitatione madida cutis; vsu porro antisepticorum, vt sunt fructus horaei, succus citri, limonada spirituosa, acetum simplex aut camphoratum aromaticumque, oxycraton, vinum acidulatum. Similibus auxiliis occurri etiam miasmatis suscepti vehementiae et remorae potest, si quidem corpus cereteroquin sanum ex nausea et lassitudinis sensu quicquam recepisse videatur. Intendunt enim et diuresin et diaphoresin, et sudorem adeo mouent salutarem, modo corpus apte foueatur, et simul potetur infusum calidum herbae amaricantis, aut florum sambuci, leniorisue aromatis.

§. XI.

Febris λοιμικήs curatio.

Plurima ex his etiam apud aegros suadenda sunt. Quo purior enim est aër conclaui, quantum fieri potest, ampli et alti; quo crebrius aceti vapore corrigitur; quo magis cauetur, ne impuris lintheaminibus diu inhaereat aeger; quo studiosius curatur, vt omnis ipsius diaeta subacida sit, ex cerealibus excorticatis, pannatellis leuibus, fructibus horaeis

D

exsic-

exsiccatis atque coctis petita; quo denique diligentius seruat-
 tur animus eiusdem tranquillus et erectus: eo felicioris cura-
 tionis plenior fiducia est. Omnis autem therapiae huius
 morbi cardo in eo versatur, vt humorum corporis corruptio-
 ni resistamus, salutiferas excretiones modeste iuuenus et vi-
 ribus vitae debilioribus consulamus. In simplici febre
 λοιμικῇ triplici huic indicationi satisfieri poterit iis, quae
 miasma corpori inhaerens blanda expellunt diaphoresi. Quo
 enim diutius illud in corpore retinetur, eo magis humores
 corrumpere, excretiones retardare et vires deprimere potest.
 Quapropter conuenit aegrum mox lectum petere et bene
 contegi, eidemque affatim bibendum offerri aut amaricantis
 herbulae, v. c. scordii infusum tepidum oxymelite simplici
 acidulatum, aut serum lactis vinosum tepidum et simili modo
 conditum; et quando his medicamentis solis nolis confide-
 re, pulueris serpentariae virginianae parum cum nitro, aut
 acetosi vegetabilis amaricantis, vel aromatici infusi quicquam
 repetitis vicibus ingerendum erit. Quod si iam sudor nullo
 modo interpellandus, et ultra viginti quatuor horas produ-
 cendus cum leuamine et cum pulsus liberioribus ictibus pro-
 manat, eundem, sine vllis aliis incitantibus, solo copioso po-
 tu antea commemoratorum liquorum promouere licet; sin
 vero, quod in robustis et plethoricis occurrit, hac meden-
 di methodo calor ficcus et praeter modum vehemens, pulsus-
 que subdurus nascatur, in tempore aegro in lecto remanente
 venaesectio instituat^{ur} κκ). Si denique sudore omne miasma

ex-

κκ) ΓΑΛΗΝ. περί θεραπευτικῆς μεθόδου. βιβλ. 9. κεφ. 4. ἐπεὶ δ' ἔτ'
 ἐν ταῖς, ἔτε ἐν τοῖς ἔργοις, ἔτε ἐν αὐτῇ τῇ τῆς θερμότητος ποιότητι
 σημεῖοντι σηπεδόνας ἐφαίνετο χυμῶν, ἐδόκει κάλλιον εἶναι τεμεῖν τὴν
 φλέβα, πρὶν ἀρξασθαι τὴν σῆψιν. ἀφαιρῶ τοίνυν αὐτῇ τὸ σῆψον ἐξε-
 πίτηδες, ὡς λειποθυμίαν ἐπιγενέσθαι, μέχρις ὅτου βοήθημα πυρετῶν
 συνόχων ἐν ἰσχυρᾷ δυνάμει, καὶ τῷ λόγῳ καὶ τῇ πείρᾳ δεδιδαγμένος.
 — κεφ. 5. αἱματὰ δὲ συνόχων πυρετῶν δύω ταῦτ' ἐστὶ μέγιστα. Φλε-
 βοτο-

expulsum esse malignorum symptomatum evanescencia testetur, aliquoties intra biduum circiter bis purgetur aluus rhabbarino medicamento simplici, aut SYDENHAMI illo ex infusione tamarindorum, foliorum sennae, rhabbari et mannae cum syrupo rosarum solutiuo. Post sudorem enim lingua, vel antea pura visa, sordibus laxioribus tegi et oris halitus foetidus esse solet; quod medicum de primis viis euerrendis commonefacit. Vires inter sudandum reficere lipothymiae forte iubent, quae tamen rarissimae sunt, cui indicationi vini generosi cochlear, aut cyathus satisfacient.

Aliter paulo versandum est, ubi vera diathesis phlogistica aut febris inflammatoria cum λοιμικῇ complicata est. Quum enim alexipharmaca medicamenta et diaphoretica sanguinem expandant et calorem augeant, efficient aut ardorem vehementiorem ficcum, aut sudores crudos non leuantes. Quamvis proinde etiam eiusmodi aegri lectis fouendi et potu multo diluente acidulato replendi sint λλ), tamen, vt salutaris prouocetur sudor, venaesectio iusta in brachio ad uncias octo vel decem requiritur. Depletis enim vasis sanguiferis sudoris excretio liberior fit, eodemque prospere succedente, nauseae quoque et viscerum infimi ventris turbae mere symptomatae et spasticae cessare solent; idiopathicae vero, quae ex nausea cum lingua impura coniunctis, et ex intestinorum obmurmuratione aut dolore cum ore impuro μμ) intelliguntur, aut lene vomitorium νν) ex ipecacuanhae puluere vel

D 2

infuso

βοτομία καὶ ψυχρὸν, ἀλλ' ἐκείνη μὲν ἐν παντὶ καιρῷ, Φερέσης γε τῆς δυνάμεως, ἡ δὲ τῆς ψυχρῆς πόσις, ὅταν μὲν ἐν τοῖς σφυγμοῖς, καὶ τοῖς ἔργοις, τὰ τῆς πέψεως ἐναργὴ σημεῖα βλέπῃς. Conf. quoque SYDENHAMI. lect. 1. De febre continua p. 54. seq.

λλ) НУХНАМ l. l. de malign. febre.

μμ) Conf. ANTONII de HAEN ration. med. Vindobon. 1760. part. III. Cap. I.

νν) ΠΠΟΚΡ. Τμ. δ'. ἀφ. 17. ἀπυρέτω ἔοντι, ἀποσιτίη, καὶ καρδιωγμός, καὶ σκοτώδινος, καὶ σῶμα ἐκπικρῶμενον, ἂν φαρμακείης δεῖσθαι σημαίνει

infuso, aut decoctum purgans tamarindorum mannato salinum exposcunt, a quorum neutro in corpore caeteroquin vegeto sudoris excretio retardabitur. Quod si tamen diathesin inflammatoriam haec nondum soluerint, repetita venaesectio opus est, atque deinceps sublata hac diathesi sudorem liberius erumpentem calidis cardiacis et diapnoicis potibus ad symptomatum malignorum cessationem usque, interposito tamen ad tertium circiter diem cathartico, adiuuare decet. Quemadmodum vero in corporibus iunioribus, plethoricis et viuidis, tempestate frigida, vel sicca, flanteque imprimis borea, constitutio inflammatoria vnice expectari potest: ita ne nimis venaesectionibus, aut intempestiue susceptis vires corporis ad salutarem diaphoresin necessariae prosterantur omnes, sedulo cauendum, aut si tale quid commissum fuerit, vino, cardiacis, cortice, serpentaria virginiana, immo etiam vesicatoriis vires resuscitandae et refo-cillandae erunt ξξ).

Quando febris λοιμική cum febre intestinali putrida complicata est; omnium primo vltima haec, dein prima curanda est. Male enim sudor cietur in corpore impuro et saburra primarum viarum pleno. Ea igitur vel vomitorio, cui in plethoricis venaesectionem praemitti aequum est, satis cito operante, vel cathartico leniori educenda est. Quem in finem tartari emetici granum vnum aut alterum mannae solutioni addere, vel pulpaе tamarindorum aliquot vncias cum tartari cremore exhibere, vel eius pulpaе decoctum tartari-

μαίνει. εἰ μὴν ἀλλὰ καὶ ἐν τῷ πρώτῳ τμήματι κατὰ τὸν εἰησὸν πρῶτον καὶ δεύτερον ἀφορισμὸν ἐντέλλεται τὸν ἰατρὸν εἰς αἰεὶ δεῖν προσέχειν τὸν νῦν τοῖς τῆς πέψεως σημεῖοις, καὶ, ὅπῃ οἱ χυμοὶ ὀργῶσι, ταύτῃ ἐμβάλλειν πειρᾶν τῷ σώματι τὴν τῆς νόσου ὕλην. αὐτὸ δὲ ἀγεῖν, ὅκα ἂν μάλιστα ῥέπῃ, ταύτῃ ἀγεῖν διὰ τῶν συμφερόντων χωρίων — πέποινα φαρμακεύειν καὶ κινεῖν, μὴ ὡμα. μὴ δὲ ἐν ἀρχῇσιν, ἢν μὴ ὀργᾷ, κτλ.
ξξ) Vid. SYDENHAM. l. l. p. 54.

tartarifato, fale polychresto, nitroue, et in valde spongiosis viscido plenis et voracibus rhabarbarino, aut sennato stimulo locupletatum propinare iuuabit; donec aluus satis purgata sit, adiuncto vsu potus multi resoluentis et antiseptici, vt est ptisana hordei nitrato-oxymelita, vel auenae excorticatae tartari cremore acidularum decoctum; clysmatibus quoque interea nequaquam neglectis. Iam primis viis liberioribus aliquando sponte sudor leuans prorumpit, aliquando arte ciendus, sed et spontaneus arte iuuandus est; non commouentibus vehementioribus spirituosus, sed antisepticis, cardiacis acidulatis et leniter adeo nutrientibus potibus, quorum, nisi me omnia fallunt, praecipuus est serum lactis vinosum. Huic pomorum aurantiorum succum vt cardiacum addi, nil vetat. 00) Immo ad soluendos humores viscidos, si qui sint, iulapia cum fale polychresto, spiritu Mindereri, syrupo acetositis citri, aquis destillatis, oxymelite simplici, et acidis dulcificatis propinare neminem pigebit. Eidem consilio potio Riueriana, salia alcalina fixa nimirum vel volatilia, aceto aut limonum succo ad saturationem vsque remixta et aquis destillatis cardiacis diluta, satisficient.

Sin vero cum febre λοιμικῇ resolutio sanguinis putrida adsit, venaesectionem, resoluentia, salia volatilia a nonnullis maximi aestimata, immo incautum vesicatoriorum vsum cum ΗΥΧΗΑΜΟ reformidarem. Humores enim fundunt, miasma autem et putredinem non corrigunt. Sed acida mineralia diluta et corticem peruianum, aut camphoram cortice maritatum, nec non vini generosi vsum cum eodem ΗΥΧΗΑΜΟ ad vires conseruandas et resolutionem humorum compescendam, haud interim neglecta alui ductione, per victum ex horaeis fructibus et clysmata obtinenda, recte adhiberi

D 3

00) Vid. SWIETENII Comment. super aphorism. Boerhaauii, Tom. II. p. 441. seq.

beri arbitror. Nam et corrigunt putredinem et humores condensant, et vires conseruant, ita vt salutaris tandem, iisdem, quos antea dixi, praesidiis iuuandus sudor promanare possit, qui etiam λοιμικῆς miasma exturbat.

§. XII.

Symptomatum mitigatio.

Verum non curandum modo, sed etiam symptomata, quae vrgent, lenienda sunt ππ). Sudores crudos et symptomaticos temperare decet aëre saepe renouato, stragulis leuioribus, cauta indusiorum mutatione, in seßu extra lectum, si per vires licet, et potu acidulo frigidiusculo, aluo a sordibus liberata. Diarrhoeas nimias rhabarbarina compescunt, aut ne his quidem proficientibus corticis et diascordii FRACASTORII doses aequales, aut essentia illa ΗΥΧΗΑΜΙ antipyretica, quae ex corticis peruuiiani optimi puluerisati vnciis duabus, flauedinum aurantiorum Hispaniensium sesquiuncia, radicis serpenariae virginianae drachmis tribus, croci anglici scrupulis quatuor, et coccionellae duobus, cum spiritus vini Gallici vnciis viginti, triduana digestionem paratur, et drachma ad vnciam dimidiam sexta quauis hora, cum vino, elixiriiue vitrioli aliquot guttulis sumitur. Vomitus symptomaticum impurum potus diluens oxymelite conditus, et materiem euacuantia, sed illum symptomaticum sine sordibus, florum chamomillae infusum oxymelitem mitigat, aut enemata mucilaginosae et mellitae vincunt, regimenque diaphoreticum; cephalalgiam frontalia acidula; singultum et cardialgiam sacculi amaricantium herbarum vino incocti et valde expressi, dein cordis scrobiculo oppositi, soporem et deliria rubefacientia et epispastica cruribus applicata leniunt.

Mini-

Minime autem his remediis adeo fidendum est, ut etiam causam horum symptomatum indagare et tollere praetermittas. Nam sublato miasmate saepe sponte cessant. Accessorias vero crises, diarrhoeam, vomitum et diuresin ea ipsa adiuuant remedia, quae in curatione febris *λοιμικῆς* iam antea proposuimus.

§. XIII.

Virium refectio.

Iam ubi malignitatis symptomata cessarunt, aliusque a sordibus interea collectis liberata fuit apto cathartico; aeger reficiendus est diæta antiseptica, refrigerante et medicamentis vires restituentibus, ergo cibi ex vegetabili potius, quam animali regno petiti, ad quos ultimos lente, et ad assatos praeter ceteris citius redeundum est, eupepti et mucilaginei acidi aut acido dulces, exhibeantur copia parca, sed vicibus saepe repetitis, solidiores bene mastucentur: coena somnum haud perturbatura, nulla aut modica sit; ultra octo ad summum horas haud dormiatur, poterit aqua tertia vini rhenani parte remixta, parcioribus haustibus: motu exerceatur corpus, quem quantumque vires concedant; alius libera seruetur, ad minimum omni biduo respondeat. Corticis peruiani puluere, infuso aut essentia illa *HYXHAM* composita succurratur digestionis et totius corporis viribus, animum vero oblectent grata et iucunda quaeuis, quae virium iacturam nouam induere nequeunt, factam reficere valent. Quas leges quidem omnes quis non videat id sibi velle, vitanda esse, quae impurum, debile, nouisque morbis obnoxium reddant corpus? Sequenda contra, quae illud confortent et roborent.

§. XIV.

Epilogus.

Iam opus foret, addere aegrorum exempla quaedam. Verum ea ætate, qua e patria discessi, ipse aegros obseruare non-

nondum didiceram; ab aliis autem narratos referre casus vix audeo, ne mancarum forte obseruationum augeam numerum. Satis igitur nunc esto, pro viribus depinxisse febris neruosae malignae veram speciem, morbum ciuibus meis horrendum et infestissimum, eumque ex veterum monumentis et ex SYDENHAMI, HUXHAMI et GRANTII doctrina suo modo illustrasse. Agnosco libelli tenuitatem ipse, spero tamen, eo maiori cum fiducia primi huius mei impetus practici beneuolam lectorum veniam, quo curiosius in posterum, dum licebit, popularium morbos obseruare, iisdemque non solum curandis, sed accuratius quoque describendis inuigilare constitui.

V I R O
CLARISSIMO ATQVE DOCTISSIMO
POLYCHRONIO DEMETRIO

S. D.

IOANNES MANIKATI SAPHRANI

M. C.

Meum erga *TE* animum, tametsi aliunde iam satis perspectum *TIBI* esse sperabam, *AMICE AESTVMATISIME*, tamen enata tam pulchra occasione, faciendum mihi putavi, ut nouo eum documento *TIBI* significarem. Poscere enim a me videbatur, quae mihi in his etiam Oris Germanicis, *TE* cum est amicitia, ut de felici studiorum *TVORVM* successu, erudito orbi egregio specimine nunc probando, non in sinu solum, sed publice etiam laetarer; quod si intermitterem, profecto ipse mihi indignus viderer amore isto, quo *TE* adhuc complexum me esse non mediocriter gaudeo. Noli autem hic a me exspectare laudum *TVARVM* praeconia, quanquam ἀρετῆς μισθὸς ἔπαινος. Neque enim is ego sum, qui aliorum laudes pro dignitate satis exornare valeam, dicti illius inter Graecos vsitati probe memor: κυῶν ὑδρεύων, κατὰ τὴν παροιμίαν, ἐπὶ τῶν σῶν ἐγκωμίων φανήσομαι, neque *TE* mea commendatione indigere arbitror, cum ingenii ad scientias formati, do-

Erinae TVAE atque diligentiae assidue, qua in excolenda Apollinis arte versatus es, alios habeas testes longe illustriores. Inter hos non ultimum sibi locum vindicat solida TVA disputatio, quam propediem defensurus es bonorum omnium plausum ferens certissime: haec namque ut satis eleganter continnata est, atque ad indolem soli natalis accommodata, ita testis est TE lectionibus Praeceptorum TVORVM, quos aetas omnis venerabitur, et in primis illustris PLAZII, operam navasse quam diligentissimam. Hunc posteriorem vel ideo commemoro, quod TVEVM partim ob praeclaram, qua eminet eruditione ac dignitate, partim ob insignem, quo TE complecti dignatus est, favorem, ingenue reuereris. Sed ne limites brevis epistolae excedam, propius nunc ad rem accedo. Gratulor TIBI, AMICE AESTVMATISSIME, ex animo vitam academicam cum laude transactam, et summos in Medicina honores iam in TE conferendos. Gratulor Genti nostrae de Medico tam spectatae eruditionis. Gratulor et mihi denique de Amico scientiis et honoribus ornatissimo. Deus O. M. conatus TVOS ultro prosperet, atque ut TIBI, aliis, miseris vero quam plurimis prodesse possis, clementer concedat. Vale, iterumque Vale. Dabam Halae ad Salam d. XXI. Mens. Sept. A. O. R. c1p1cccLXXVIII.

